

GARIS PANDUAN PERMOHONAN PERMIT KERJA SECARA ONLINE (ePTW)

1.0 TUJUAN

Garis panduan ini disediakan bertujuan untuk memberi panduan kepada pengurusan Universiti diperingkat induk atau Pusat Tanggungjawab (PTj) khususnya Safety Liaison Officer (SLO) bagi keperluan penggunaan Permit Kerja kepada pihak kontraktor di Universiti Tun Hussein Onn Malaysia.

2.0 SKOP

Garis panduan ini digunakan bagi permohonan permit kerja untuk setiap kerja yang berisiko tinggi yang dilaksanakan oleh pihak kontraktor. Kerja berisiko tinggi seperti kerja di tempat tinggi, kerja menggunakan kren, kerja panas (melibatkan suhu tinggi dan mudah terbakar) serta kerja elektrik untuk setiap bangunan, kawasan atau PTj di Universiti.

3.0 PENGECUALIAN

Kerja-kerja pembinaan di dalam kawasan universiti yang melantik penyelia keselamatan tapak bina atau *Site Safety Supervisor (3S)* yang berdaftar dengan Jabatan Keselamatan & Kesihatan, Pekerjaan (JKKP), Malaysia.

4.0 RUJUKAN

4.1 Seksyen 15(2) (a), Akta Keselamatan dan Kesihatan Pekerjaan 1994.

4.2 Seksyen 10(d), Akta Kilang & Jentera 1967.

5.0 DEFINISI / SINGKATAN

Universiti	Universiti Tun Hussein Onn Malaysia.
PTj	Pusat Tanggungjawab.
SLO	<i>Safety Liaison Officer</i> . Pegawai yang dilantik oleh pihak PTj untuk menyelaras perkara yang berkaitan keselamatan dan kesihatan pekerjaan di PTj.
Kontraktor	Merujuk kepada kontraktor yang dilantik oleh pihak Universiti untuk melaksanakan kerja-kerja di dalam kawasan Universiti.
PTW	<i>Permit to Work</i> . Permit bekerja atau kelulusan bertulis yang

dikeluarkan oleh Pejabat OSHE kepada pihak kontraktor sebelum melakukan sebarang kerja yang berisiko tinggi di dalam kawasan Universiti.

Pejabat OSHE Pejabat Persekitaran, Keselamatan dan Kesihatan Pekerja.

6.0 KEPENTINGAN PTW

- 6.1 Salah satu system kerja selamat bagi mengenal pasti hazard dan pemantauan aktiviti kerja yang dilakukan oleh majikan serta untuk mencegah daripada berlaku kemalangan besar atau mengurangkan akibatnya kepada orang lain.
- 6.2 Memberi maklumat, latihan dan peralatan yang diperlukan kepada orang yang bekerja di kawasan kerja untuk memastikan keselamatan mereka sewaktu bekerja.
- 6.3 Memenuhi keperluan perundangan:
 - 6.3.1 Seksyen 15(2) (a), Akta Keselamatan dan Kesihatan Pekerja 1994. “pengadaan dan penyelenggaraan logi dan system kerja yang, setakat yang praktik, selamat dan tanp arisiko kepada kesihatan”.
 - 6.3.2 Seksyen 10(d), Akta Kilang & Jentera 1967. “apa-apa cara setakat yang munasabahnya dapat dilaksanakan hendaklah diberikan, diselenggarakan dan digunakan untuk memastikan akses selamat ke dalam mana-mana tempat di mana, mana-mana orang patut pada bila-bila masa bekerja”.

7.0 PERMOHONAN PTW

- 7.1 Semua kerja berisiko tinggi yang akan dilaksanakan disetiap kawasan kerja PTj hendaklah memohon permit kerja menggunakan sistem online “ePTW” melalui laman sesawang Pejabat OSHE (<http://oshe.uthm.edu.my>).
- 7.2 Pihak Kontraktor hendaklah mempunyai sijil kompetensi yang diperlukan berdasarkan kepada hazard yang terdedah sebelum memohon permit kerja.
- 7.3 SLO PTj hendaklah memastikan pihak kontraktor yang terlibat mengisi ePTW secara online.
- 7.4 Permohonan ePTW secara online hendaklah dibuat selewat-lewatnya 24 jam sebelum kerja dijalankan.
- 7.5 Pihak kontraktor hendaklah mengisi perihal kerja dan memuat naik sijil kompetensi untuk kerja-kerja berisiko tinggi mengikut kepada jenis risiko yang terdedah.

- 7.6 Pejabat OSHE akan memaklumkan kepada SLO PTj dan kontraktor sama ada keputusan permohonan permit kerja tersebut disokong atau tidak disokong.
- 7.7 Carta alir bagi sistem ePTW adalah sebagaimana **Lampiran 1**.

Carta Alir Permohonan ePTW



